

A
44
111
(25)
R O D E R I C V S M I S E R A T I O N E D I V I N A S . R . E .

Basilica duodecim Apostolorum, presbyter Cardinalis de Castro Archiepiscopus Hispaleñ. Regiusq; cõsiliarius. &c. Vniuersis & singulis, Generalibus. Prouincialibus: Abbatibus: Prioribus Retoribus, Praposis, Ministris, Superioribus, quorumcumq; ordinum, Religionum, Prioratum Monasteriorum, ac religiosarum domorum huius ciuitatis, eiusq; Archiepiscopatus. nec non Priorissis, Abbatissis, ac Monialibus, & religiosis eorundem ordinum, domorum, & conuentuum, nec nõ omnibus, et singulis personis, tam Ecclesiasticis quam secularibus, cuiuscumq; gradus, ordinis, status, dignitatis, & conditionis, existentibus per dictam ciuitatem, et Archiepiscopatum constitutus, & vestrum cuiuslibet salutem, & benedictionem, et nostris imò verius apostolicis firmiter obedire mactatis. Noueritis quod nuper sanctissimus in Christo Pater ac Dominus noster Dominus Clemens diuina providencia Papa VIII. quasdam literas Apostolicas: ac motum proprium, sub Dat. Romæ in mōte Quirinali: tertio decimo Chalendarum Iulij. Anno incarnationis dominicæ, Millesimo Quingentesimo Nonagesimo quarto. Pontificatus sui anno tertio decreuit: & relaxant: quarum tenor sequitur, et est talis. Videlicet.

S A N C T I S S I M I I N C H R I S T O

**P A T R I S , E T D . N . D . C L E M E N T I S D I V I N A
P R O V I D E N T I A P P . V I I I .**

C O N S T I T V T I O .

De largitione munerum vtriusque sexus Regularibus interdicta.

**C L E M E N S E P I S C O P V S S E R V V S S E R V O R V M D E I
A d p e r p e t u a m R e i m e m o r i a m .**



RELIGIOSÆ Congregationes, ab insigni sanctitate viris Spiritus sancti afflatu institute, tantas Ecclesiæ Dei utilitates omni tempore attulerunt, vt ad eas conseruandas, & instaurandas Romani Pontifices prædecessores nostri, magnam iure optimo diligentiam semper adhibuerint. Nam cum ea sit rerum humanarum cõditio, & natura, vt etiam quæ optime fundata, & constituta sunt partim hominum imbecillitate, & ad malũ prociuitate, partim Dæmonis astutia, paulatim deficiat: ac nisi cura peruigili sustententur, in deterius prolabantur, idcirco Summorum

Pontificum vigilantia magnopere laborauit: vt Regularium Ordinum disciplinam, aut labefacta in pristinum restitueretur, aut salutaribus Constitutionibus communita, integra, atq; incolumis permaneret. Quorum non vestigijs pro eodem Officii munere insistere, & Pastoralem illorum sollicitudinem (quantum possumus) diuina adnutrice gratia, cupimus imitari. Quare ne ex muneribus, quæ a pleribus Religiosæ vitæ professoribus, ex Christi patrimonio, quibusuis hominibus quauis ex causa sæpè tribuntur graua incommoda: & mala etiam boni specie existant, præcauere studentes, hac nostra perpetuo valitura Constitutione vniuersis, & singulis cuiuscumq; Ordinis medicantium, vel non medicantium bona immobilia, & redditus certos ex indulto Apostolico possidentium, vel non possidentium seu cuiusuis Cõgregationis Societatis, & instituti (non tamẽ Militiæ Regularibus personis vtriuslibet sexus omnẽ, & quancumq; largitionẽ, & missionem munerũ penitus interdiximus. Sub qua prohibitionẽ cõprehendi, volumus omnia & singula Capitula, Cõuentus & Cõgregationes, tam singulorũ Cõuentualium, Monasteriorũ, Prioratũ, Prapositarũ, Præceptoriarum, Domorũ, & locorũ, quã Prouincialia, aut Generalia cuiuslibet Prouinciæ sine vniuersi Ordinis Societatis, aut institutue orumq; vel earum Camerarios, Comissarios, & quoscumq; Officiales, & singulares personas: ipsos etiam Ordinum: Congregationum, & Societatum huiusmodi Superiores quascumq; dignitates obrinentes, etiam Generales, & Prouinciales, Magistros, Ministros, & quocumq; nomine Præfectos, nec non Cõuentuum, Monasteriorum, Prioratum, Prapositarum, Præceptoriarum, domorũ, & locorum quorumcumq;

Abba-



Abbatēs, Priores, Præpositos, Præceptores, etiam maiores, Guardianos, Ministros, Rectores, atq; Abbatissas, Priorissas, & alio quouis titulo, Præsidentes, tam ipsis Regularibus, quam Locorum Ordinarijs, seu quibusvis Superioribus subiectas vtriuslibet sexus ad vitam, vel ad tempus deputatos: adeo, vt nemo vnquam eorum, vel earum directe, vel indirecte palam, vel occulte, tam communi, quam particulari, & proprio nomine, etiam sub quouis Statuti, vel cõsuetudinis, seu verius corruptelæ: aut alio prætextu, vel quacumq; causa nisi in Generali Capitulo, aut alia Generali Congregatione re materè discussa vnanimi consensu omnium, Superiorumq; permilla causa approbata fuerit quicquã tale attentare valeat.

Id autem ita absolute: & generatim veritum intelligatur, vt neque omninò fas sit quicquam donare, tam ex fructibus, redditibus, & proventibus, collectis, vel contributionibus, aut oblationibus, siue elemosynis, aut subsidijs certis, vel incertis ordinarijs: seu extraordinarijs, mensæ, seu massæ communis, vel cuiusvis Fabricæ, & Sacristiæ: quorum bona communiter, vt præfertur, administrantur, seu quæ rationibus redendis sunt obnoxia, quam ex pecunijs, etiã, quæ à singulis quouis modo acquisite in commune conferendæ omnino sũnt, Nec si per viam voluntariæ contributionis in commune cõgerantur. Nec si forsã priuatim, & nominatim cuiuslibet Religioso a suis Superioribus, vel à proprijs affinis: propinquis familiaribus, amicis, aut beneuolis, vel à pijs Christi fidelibus, etiã elemosynæ, aut charitatis: & illius propriæ personæ intuitu attributæ: seu quoquo modo per quẽlibet religiosum in suo Monasterio Domuit, aut Loco acquisite, eiq; vel ad libitũ de eis disponat per Superiores cõcesse fuerint: Præterquam leuiora esculenta, aut procurenta, seu ad deuotionem vel Religionem pertinentia munuscula communj tantum nunquam verò particulari nomine (vbi superiori de cõsensu Contentus videbitur) tradenda.

Sed & huius nodi missiones munerum ipsis Religiosis vtriuslibet sexus non solum per seuerum etiam: per alios, tam directè quàm indirectè prohibitas declaramus.

Neq; verò quispiam ab hac generali prohibitione se excusare valeat, etiã si munera miserit, cuius personæ Laicæ, vel Ecclesiasticæ cuiuscumque status gradus, dignitatis, ordinis, vel conditionis, & quauis non solum mundana, & Ducali, Regia, Imperiali: verum etiam Ecclesiastica, & Pontificali, aut alia maiori etiam S. R. E. Cardinalatus dignitate fulgenti, etiam proprio Loci ordinario, etiã ex causa & occasione benedictionis, vel susceptionis habitus Regularis, tonsuræ, aut Professionis Monialium, tam sibi subditarum, quam non subditarum, aut ipsi etiam proprio ordinis, vel Congregationis Protectori, Viceprotectori, Generali, vel Prouinciali, aut cuiusvis Monasterij, Prioratus domus: aut cuiuslibet alterius loci Regularis Superiori, aut alio quocumq; officio, munere, aut dignitate fulgenti, vel cuiuscumq; etiam simplici, & particulari Religioso. Ita vt inter ipsos quoque Religiosos (ne praua ambitione impulsus pro consequendis in sua Religione gradibus, & dignitatibus alter alterius gratiam, aut beneuolentiam aucupetur) quacumq; largitio, aut donatio munerum (nisi rerum minimarum, de licentia expressa, & in scriptis Superiorum) sit penitus interdicta.

Insuper prohibemus, ne vnquã eisdem Regularibus liceat vllas pecunias quoquo modo erogare in alicuius etiam benefactoris, aut Protectoris, vel ordinarij honorem, etiam occasione transitus, vel primi ingressus, aut ad beneficiorum acceptorum memoriam, gratiq; animi testificationem, seu pro prædictis personis quauis auctoritate, vel dignitate fungentibus honorificè, laute, & opipare excipiendis, seu pro quibusvis conuijs eisdem, aut cuius alteri quacumq; occasione, vel causa exhibendis: vel pro comessationibus, aut comotationibus quibusvis personis, tam eiusdem Ordinis Congregationis Monasterij, domus aut loci, quam extraneis largiendis, aut pro exhibendis spectaculis, etiam pijs intra Ecclesias, Monasteria, & Domos sacras, seu pias, vel extra eas, in quibusvis publicis, aut priuatis sacris, aut profanis locis, etiam vbi Sanctorum & Sanctarum vita, aut res piæ gestæ, etiam in memoriam Passionis Dominicæ populus spectande proponuntur: aut alias in prædictis, siue in quibusvis rebus superuacaneis ad Pompam, & ostentationem, aut ad oblectationem, vel paucorum Iucrum, & priuata commoda quomodolibet pertinentibus. Nisi re ipsa pro diuino cultu & veris Christi Pauperum indigentijs, seruato in hoc charitatis Ordine: & habita necessitatis ratione de consilio, & consensu Superiorum subleuandis, aut alias in rebus licitis. & per Capitulum Generale aut Prouinciale non prohibitis, vel Taxam ibi forsã præscriptam non excedentibus sumptus huius modi fiant.

Declarant estamen per hæc laudabilem & Apostolica doctrina sacrisq; Canonibus commendatam
hospi-

hospitalitatem Præsertim erga pauperes & peregrinos nequaquam imminui, aut prohiberi. Quinimo si qui redditus ad id vel ex fundatione: vel ex institutis statutis, aut consuetudinibus aliquorum Monasteriorum ordinum, aut regularium huiusmodi locorum, aut ex testatorum, vel donantium voluntatibus siue alias aplicati aut donati sunt: eos omnino (vt decet) integrè in vsus pios hospitalitatis huiusmodi erogandos esse: & præsertim in Monasterijs: seu locis desertis: & ab laicorum ædibus longius remotis: vbi tamen pauperum: & verè egenorum ratio in primis habeatur.

Si quos vero ditiores occasione transitus, siue alias ex deuotionis, aut necessitatis causa eo diuertere contigerit eos sanè deceret Refectorio communi cum Religiosis, mensaq; & ferculis communibus, nequaquam à cæteris distinctis contentos esse. Verum omnino ipsi regulares in hospitibus huiusmodi potentioribus excipiendis ita se gerant, vt in eis frugalitas, & paupertas religiosa prorsus eluceat.

Pari etiam ratione districtè inhibemus: ne quispiam ex prædictis laicus alias: quam vt superius dictum est: vel Clericus secularis: vel regularis: quocumq; honore præminentia, nobilitate aut excellentia etiam S. R. E. Cardinalatus dignitate præditus etiam Protector, Viceprotector, loci ordinarius Prælatus, Generalis: Prouincialis aut Monasterij: Domus, vel loci cuius libet superior: eorumue affines propinqui familiares: aut ministri vtriuslibet sexus: quæquam contra hanc superius expressam prohibitionem recipiant.

Quod si, vel ab aliquo particulari Religioso: vel à superiore quopiam Generali Prouinciali: aut alio quocumq; officio fungente: aut à Conuentu, Capitulo vel Congregatione: siue ab vniuerso Ordine & Religione quicquam receperint: id quod acceperint suū nō faciant. Verū ipso facto absq; aliqua mentione Iudicis decreto, sententia, aut declaratione ad illius restitutionem omnino in vtroq; foro teneantur adeò vt restitutione ipsa realiter non facta neq; etiam in foro conscientia absolui possint.

Hanc autem restitutionē fieri volumus non priuatim ei Religioso, qui donauit, sed ei Monasterio Domui, vel alteri loco de cuius bonis facta est largitio: vel si non de eis bonis donatum est in quo idē Religiosus donans professionem emisit, vel si nomine totius Capituli, Conuentus: aut Congregationis: vel vniuersi ordinis: seu Religionis donatio facta extiterit. pariter communi mensa: aut massæ cuius nomine donatum fuerit, accepta muraera restituantur. ita vt nec qui donauit nec Conuentus, Capitulum, Congregatio ordo, aut Religio: cui restitutio facienda est. illam remittere & iterum cōdonare: aut recipientem ab obligatione restituendi eximere: vel vt in Pauperes eroget concedere quoquo modo possit.

Quod si quis ex supradictis Regularibus vtrius libet sexus cuiuscumq; gradus, ordinis, dignitatis, ac vbi libet locorum existentibus coniunctim, cum cæteris, seu diuisim nostrarum huiusmodi prohibitionum, statutorum, ordinationum, iurisdictionum, decretorum, mandatorum transgressor fuerit statuitur: vt omnibus: & singulis per eum obrentis dignitatibus, gradus, muneribus: & officijs eo ipso priuatus: ac ad illa & alia similia, vel dissimilia in futurum obtinenda inhabilis perpetuo & incapax, ac perpetua infamia & ignominia notatus existat. Et præterea priuationem vocis actiuae & passiuae absq; villo Superioris decreto, aut ministerio ipso facto incurrat, nec non vltra huiusmodi poenas etiam tanquam contra furti, & simoniae criminum reum, tam per viam denunciationis, accusationis, aut querelæ quam etiā ex officio procedi, & inquiri condignisque supplicijs affici debeat.

Pœnis alijs à iure statutis, ac per alias Constitutiones Apostolicas, aut propria cuiusuis Ordinis Congregationis, Monasterij, Domus, aut loci, statuta, vel consuetudines cōtra personas aliquid præmissorum committentes forsan decretis, & inflictis, nihilominus in suo robore permansuris.

Quo circa vniuersis, & singulis modernis, & pro tempore existentibus locorū ordinarijs, eorumq; Vicarijs, & Officialibus, necnon quorumcumq; Ordinum, Prioratū, Monasteriorum, & domorū Superioribus, etiā Generalibus, seu Prouincialibus, cæterisq; ad quos spectat, per Apostolica scripta mandamus; quatenus ipsi, & eorum singuli, quantum ad eos pertinet, curent omni studio, diligentia autoritate, & vigilantia præsentem Constitutionem firmiter, & inuolatè obseruari, & contra inobedientes, vel transgressores condignis pœnis animaduerti. Eosdem inobedientes, necnon contra dicto, res quos libet, & rebelles per oportuna iuris, & facti remedia appellatione postposita compescendo inuocato etiam ad hoc (si opus fuerit) auxilio brachij secularis.

Non obstantibus Constitutionibus, & Ordinationibus Apostolicis, dictorumq; Monasteriorum, Prioratuum, Domorum, Locorum, necnon Ordinum Congregationum, Collegiorum, iuramento confirmatione Apostolica, vel quavis firmitate aliar oboratis, statutis, & consuetudinibus: priuilegijs quoq; indultis, & literis Apostolicis quorumcumq; tenorum existant, per quæ præsentibus non expressa

dressa, vel ad verbum non inserta effectus presentis nostræ Constitutionis impediri quomodolibet valeat, vel differri, & de quibus quocumq; totis tenoribus habenda sit in nostris literis mentio specialis. Quæ omnia quatenus præmissis in aliquo aduersentur, prorsus tollimus, & abrogamus, ceterisq; contrarijs quibuscumq;.

Volimus autem, vt presentes literæ in Valuis S. Ioan. Lateranen. & Principis Apostolorum de Vrbe Basilicarum, & in Acie Campi Floræ publicentur affixis inibi eorum exemplis, & dimissis. Quodq; earum exempla, seu illorum compendia in libris quorumcumq; Statutorum prædictorum Monasteriorum, Prioratum, Collegiorum, Domorum, Ordinum, & Congregationum (quo ad Moniales, in vernaculum, & vulgarem cuiusq; Regionis sermonem versa) & à Loci ordinario, qui id quam primum fieri curet, subscripta inferantur, & saltem quotannis in Capitulis, siue Congregationibus cuiusq; earum alta, & intelligibili voce legantur. Et nihilominus post sexaginta dies à die publicationis (vt præfertur) in Romana Curia, facienda vnumquemq; citra montes, vltra montes vero post quatuor menses, perinde ardeat, & afficiant, ac si cuiq; personaliter intimata, & per eos iurata fuissent.

Quodq; earum transumptis etiam impressis manu notarij publici subscriptis, & sigillo personæ in dignitate Ecclesiastica constitutæ ob signatis eadem prorsus fides in iudicio, & extra illud vbiq; adhibeatur, quæ adhiberetur eisdem presentibus, si essent exhibitæ, vel ostensa. Nulli ergo omnino hominum liceat hanc paginam nostrorum interdicti prohibitionis, declarationis, statuti, mandati, subiationis, abrogationis, & voluntatis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, ac beatorum Petri & Pauli Apostolorum eius se noverit incursum. Dat. Romæ in Monte Quirinali. Anno incarnationis Dominicæ, Millesimo quingentesimo quarto, Tertio decimo Kal. Iulij Pontificatus nostri. Anno tertio.

L. Card. Prodat.

M. Vestrius Barbianus.

A. de Alexijs.

Registrata apud Marcellum Secretarium.

Anno a Natiuitate Domini, Millesimo quingentesimo quarto, Indictione septima, die vero secunda Mensis Iulij, Pontificatus Sanctissimæ in Christo Patris, & D. N. D. Clementis diuina prouidentia Papæ Octauæ. Anno tertio: Retroscriptæ literæ publicatæ, & affixe fuerunt in Valuis Basilicarum S. Ioanis Lateranensis, & S. Petri Principis Apostolorum de Vrbe, & in Acie Campi Floræ dimissis inibi copijs affixis, vt moris est per nos Prosperum Spada, & Franciscum de Bonis, eiusdē, S. D. N. Cursores. Gabriel Sauarellus Magister Curforum.

Quibus quidem literis Apostolicis per nos. qua decuit reuerentia receptis: ad earum executionem, vt tenemur procedere volentes. Has nostras literas relaxauimus, ac relaxare decreuimus prout decernimus: et relaxamus: vobis vniuersis et singulis supradictis: et vestrum quilibet mandantes: prout eorum per tenorem mandamus, quatenus statim visis, ac quomodolibet: ad vestram: et cuius libet vestrum notitiam peruenerint: dictas literas Apostolicas: et in eis cōtenta quacumq; in omnibus, et omnia prout, ad vos et vestrum quemlibet tangitur, et concernit, sub penis in eis contentis, et expressis adimpleatis, et inuiolabiliter obseruetis, ac contra earum tenorem, et formam nullatenus faciatis nec fieri permittatis, certificantes: contumaces, rebelles, & transgressores quod nos iuxta earundem literarum apostolicarum formam, continentiam, per opportuna iuris, & facti remedia inuocato etiam si opus fuerit, brachij secularis auxilio contra eos procedemus. Dat. Hispali die Anno a Christo nato Millesimo, quingentesimo, Nonagesimo quarto.

R. Car. de Castro.

mi mi lis to
llu. ac Reue. D. mei Car. Man.

Gometius Aluarez
Hinojosa.